



09129

元

經

補

音

九經補韻敘

字學淹廢已久學者無以寤疑辨惑僕性嗜秦鑑云

蓋經類作嗜何拔者欲之者經古癖書傳因涉獵諸

經訓釋或同字殊音或假音如字若此者衆韻書率

多不載竊有感焉如禮部韻一書政為聲律舉子設

紹興間三山黃進士嘗補選進上乃亦闕略弗備近

嘉禾吳教杜復申明僅增三字僕之惑滋甚蓋姚應

本及經義攷並作蓋按孟字若禮記歛般請以機封

毛詩猗籛其枝之類庸可諉曰是喪制所出非程文

所當用或音義弗順非韻語所可押至如周禮舍采

九經補韻敘

汗筠齋叢書第一集

合舞之為釋菜毛詩鱣鮪發發之為鱣鱣皆足正後

學之傳譌助文場之窘步一切置之可乎迺即經釋

經義攷脫此字搜羅粹為一編非敢上於官以求增補亦非

敢淑諸人以侈聞見姑藏家塾以擊蒙昧博識君子

經義攷脫君子二字幸毋我誚嘉定十有七年冬十月幾望代

郡楊伯岳彥瞻敘

九經補韻後敘

禮部韻以略言人

侗按經義攷作外

多隘之而議欲增也自

元祐國子博士孫諤陳

經義攷作隨誤

乞添收繼其後則黃

啟宗有補韻吳棫有補韻補音毛晃有增韻張貴謨

有韻略補遺近世黃子厚蔣全甫則又各有論說然

疎者隨韻補輯僅得一二詳者至盡詳採子史蒼雅

方言欲增入二千六百五十五而難於行此禮部韻

略

經義攷脫此字

所以至今未備也泳齋先生治衢之暇日

揖任禮於柯山而語曰子見吾所纂九經補韻乎先

生於書無

經義攷下有所字

不讀而以經為根源補韻之作

九經補韻後敘

凡九經中字之假借音之旁通攷訂分彙各疏其下

若星象之錯落於天而燦然以明平齋洪端明所謂

杜門論著佳哉者此也平齋欲著語

經義攷作論

而後弗

果他日之上之朝而頒行於禮部使

經義攷作俟誤

後世知國

家之淑士以經則豈但為聲韻之助任禮敢寫平齋

之志而繫於後淳祐四年十一月初吉日門生文林

郎充衢州州學教授俞任禮謹題

九經補韻目次

上平聲

一東

衆左傳終字下

五支

美禮記

八微

匪禮記

幾禮記祈字下

十一模

廬周禮籀字下

十四皆

貍周禮

十五灰

畏周禮限字下

二十六歡

樊周禮

二十七刪

曼公羊傳蠻字下

九經補韻目次

一 汗筠齋叢書第一集

下平聲

一先

甸周禮改字下

顛禮記田字下

四宵

喬禮記駟字下

六豪

條周禮條字下

報禮記

十陽

爽左傳霜字下

十四清

政周禮征字下

十五青

奠周禮停字下

羶禮記馨字下

十八尤

瑜毛詩由字下

愁禮記

十九侯

孚禮記浮字下

汩公羊傳流字下

區禮記

上聲

二十一侵

蔭左傳

一董

空周禮孔字下

二腫

龍孟子龍字下

四紙

彌周禮弭字下

卑周禮婢字下

十姥

苦周禮古字下

十九隱

殷毛詩破字下

二十二狼

眼周禮禮字下

頡周禮懇字下

二十七統

典周禮珍字下

二十八獮

前周禮禮字下

建禮記

九經補韻目次

一一

三十一巧

校周禮絞字下

三十二皓

笱周禮橐字下

四十六黝

函禮記駟字下

四十七寢

黜毛詩甚字下

五十炎

辨禮記貶字下

去聲

六至

術禮記迷字下

十遇

屬周禮注字下

十二霽

列周禮禮字下

十三祭

箬周禮筮字下

十九代

載

禮記
戴字下

二十廢

艾

孟子
刺字下

二十一震

賓

禮記

二十二稗

進

禮記
餒字下

二十三問

溫

禮記

二十五願

鮮

禮記
獻字下

二十九換

果

周禮
裸字下

三十二霰

欄

周禮
練字下

三十六養

疆

禮記

三十七號

豪

周禮
篙字下

九經補韻目次

三

三十八箇

介

左傳

三十九過

摧

毛詩

四十二宕

橫

禮記

四十五勁

繕

禮記

四十六徑

奠

周禮
定字下

四十七證

繩

周禮
孕字下

四十九宥

有

禮記
又字下

肉

禮記

五十五豔

鹽

禮記
豔字下

入聲

一屋

戚

周禮

律

禮記
翰字下

三燭

數 禮記
趨 禮記
促 字下

十三末

發 毛詩
緜 禮記
字下

十八藥

禘 禮記
藥 字下

十九鐸

昔 周禮
錯 字下

二十陌

百 左傳
陌 字下

二十二昔

舍 周禮
釋 字下

二十三錫

肆 周禮

三十帖

夾 尚書
協 字下

假

周易
格 字下
毛詩

修

周禮
滌 字下

九經補韻目次

四

汗筠齋叢書第一集

九經補韻

宋代郡楊伯岳撰 後學嘉定錢 侗攷證

周易

假 更白切

家人 王假有家

合於入聲二十陌韻內添入

攷證萃王假有廟豐王假之勿憂渙王假有廟
並音格書堯典格于上下說文解字人部引作
假詩雲漢昭假無羸丞民昭假于下噫嘻既昭
假爾泮水昭假烈祖那湯孫奏假元鳥四海來

九經補韻

汗筠齋叢書第一集

假烈祖饗假無言禮記王制歸假於祖禴禮器龜
龍假祭統假於太廟亦讀更白切中庸引詩奏格
無言假作格侗按二字古亦通用應云合在入
聲二十陌格字下亦作假以後通用之字並同

尚書

夾 音協

禹貢 夾右 侗按姚應仁校本誤作石 碣石

合於入聲二十帖協字下添入

攷證多方爾曷不夾介匡謬正俗引徐邈古文
尚書音 句 夾音協梓材先生既勤用明德懷為

夾音亦同侗按周禮地官下司市註幅廣狹不
中量釋文作夾音洽後漢書東夷傳其地東西
夾南北長亦以夾爲狹古夾狹同音故二字通
借

毛詩

殷 音隱

殷其雷 秦鑑云姚本作雷

合在上聲十九隱隱字下破亦作殷 侗按以下至孟子又字吳

琯刊本並脫此一條

攷證北門憂心殷殷周禮冬官上鞮人殷鞮而

九經補韻

一一

馳不隊禮記問喪殷殷田田並音隱

發 補末切

碩人 鱣鮪發發

合在入聲十三末 秦鑑云舊本作未誤 鱣字下亦作發

攷證經典釋文引韓詩作鱣

摧 采卧切

鴛鴦 摧 侗按舊本兩摧字並从木誤 之秣 秦鑑云姚本作秣誤 之

合在 侗按當於 去聲三十九遇韻內添入

掄 音由

生民 或春或掄

合於下平聲十八

何按舊本十字缺入字誤作九姚本亦同今據禮部韻畧校正

尤由字下添入

攷證周禮地官叙官下春人女春抗二人註女

春抗女奴能春與抗者抗杼白也詩云或春或

抗秦鑑云按三家詩攷或釋文抗音由侗按李

白詩卷簾出椰揄叶入尤韻用古音也

假 音格

烝民 昭假于

秦鑑云吳下本作子誤下

合於入聲二十陌格字下添入

攷證卽王假有家之字已見周易

九經補韻

三

黷 時審反

泮水 食我桑黷

合在上聲四十七寢甚字下甚一作黷

攷證氓無食桑甚釋文本又作榭何按說文無

榭字艸部甚桑食也黑部黷桑甚之黑也古字

甚黷通用

周禮

苦 音古

天官下典泉 受苦功

秦鑑云吳本脫此句舊本功作切姚本亦同並誤

合於上聲十姥古字下添入

攷證冬官上辨其苦良齊語辨其功苦並讀果

五功

稟 讀爲稿

地官上 秦鑑云姚本吳本並作下誤 稟人

合在去聲三十七號稿字下亦作稟

政 音征

地官上小司徒 施其職而 秦鑑云吳本脫此字 平其隸

合於下平聲十四清征字下添入

攷證地官下均人掌均地政土均掌平土地之

政夏官下都司馬以國法掌其政學並誓征侗

九經補韻 四

按史記范睢傳政適伐國集解徐廣曰政適音

征敵

肆 托歷反

地官上大司徒 羞其肆 侗按此條當在政字之前

合於入聲二十三錫韻內添入

攷證儀禮士喪禮肆髻去蹄禮記郊特牲腥肆

爛臚祭並音遜

奠 音定

地官下賈師 展其成而 秦鑑云吳本脫此字 奠其賈

合於去聲四十六徑定字下添入

攷證地官上大司徒奠地守地官下司市平肆
展成奠賈春官下瞽矇世奠繫小史奠繫世夏
官下以久奠食冬官下弓人寒奠體又寒奠體
則張不流並讀若定侗按瞽矇註故書奠或爲
帝杜子春云帝讀爲定其字爲奠書亦或爲奠
小史註亦云故書奠爲帝杜子春云帝當爲奠
奠讀爲定是奠定帝古音並同

列

祿計切

地官下稻人

以列舍水

人於去聲十二霽韻內添入

九經補韻

五

攷證書立政以列用中罰東坡書傳猶今之言
例也禮記服問上附下附列也釋文引徐邈音
句列音例本亦作例侗按秋官上司隸註厲遊
例也釋文亦云本又作列則古字列例通用

果

讀爲裸

春官上大宗伯

則

侗按舊本脫此字姚本吳攝本並同今據周禮校增

而載果果

合在去聲二十九換裸字下亦作果

攷證小宗伯以待果將及果築鬻鬻果將並同
裸侗按小宗伯又云以時將瓚裸唐石經作果

不从示亦讀果爲禠也又冬官下玉人禠圭註
禠之言灌也或作禠或作果釋文禠古亂反註
禠果皆同

甸 音田

春官上小宗伯 若大甸

合在下平聲一先改字下亦作甸

攷證小宗伯又云凡王之會同軍旅甸役之禱
祠凡師甸凡四時之大甸獵祭表貉司几筵甸
役則設熊席司服凡甸冠弁服春官下甸祝師
甸並音田

九經補韻

六

狸 亡皆反

春官上鬱人 遂狸之

合於上平聲十四皆韻內添入

攷證天官上鬻人凡狸物註鄭司農云狸物自
狸藏伏於泥中者春官上大宗伯以狸沉祭山
林川澤秋官下除其狸蟲並音理何按五經文
字豸部狸義見經典或借用爲理字則狸埋古
本通用

修 讀爲滌

春官上司尊彝 凡酒修酌

合於

侗按當作在

入聲二十三錫滌字下亦作修

箬

音筮

春官下占人

以八箬占八頌

合在去聲十三祭筮字下亦作筮

攷證箬卽說文竹部箬易卦用著也侗按筮乃

俗省字不宜入韻後誤字諸條並倣此

舍

音釋

春官下大胥

春入學舍采

秦鑑云吳本與此同今周禮作采姚本亦

作舞侗按此條當采舞在箬字之前

合在入聲二十二昔釋字下亦作舍

九經補韻

七

攷證春官下占夢乃舍萌於四方註舍讀爲釋

舍萌猶釋采也古書釋采釋莫多作舍字太祝

反行舍奠甸祝舍奠於祖廟禰亦如之太史飾

中含筭禮記祭統而舍奠於其廟註並讀爲釋

侗按儀禮鄉飲酒禮主人釋服大射儀而未釋

獲註並云古文釋作舍禮記月令上丁樂正習

舞釋菜呂氏春秋仲春紀作舍采舍釋古字通

用

彌

音救

春官下小祝

彌我兵

合

秦鑑云舊本作入誤

在上聲四紙弭字下亦作彌

攷證春官下男巫招弭以除疾病註杜子春讀弭如彌兵之彌元謂弭讀爲枚字之誤也

樊

步干切

春官下巾車

錫樊纓

侗按舊本脫纓字姚本吳本並同今據周禮校增

合在

秦鑑云當從姚本作於

上平聲二十六歡韻內添入

攷證巾車又云鈞樊纓朱樊纓前樊鵠纓並讀

若鞶

條

讀爲條

春官下巾車

革路龍勒條纓

九經補韻

八

合在下平聲六豪條字下亦作條

前

子踐反

春官下巾車

前樊鵠纓

合於上聲二十八彌韻內添入

繩

音孕

秋官下雍氏

秋繩而芟之

合於去聲四十七證孕字下添入

攷證註云含實曰繩侗按玉篇子部脞或孕字

管子五行篇脞婦不銷弃註脞古孕字則繩乃

脞字之譌也

廬 讀爲纒

冬官上 秦無廬

合於上平聲十一模纒字下添入

攷證冬官上又云秦之無廬也非無廬也冬官

下廬人並讀爲纒侗按春秋昭公十三年蔡侯

廬歸於蔡左傳隱太子之子廬歸於蔡釋文亦

音盧

咸

將六 秦鑑云舊本作尤誤 反

冬官上 無以為跋速也

合於入聲一屋韻內添入

九經補韻

九

眼

魚懇反

冬官上輪人為輪 欲其眼也

合於上聲二十二狼 侗按姚本作狼誤 韻內添入

卑 音婢

冬官上輪人為蓋 上欲尊而字 秦鑑云姚本作下 欲卑

合於上聲四紙婢字下添入

攷證輪人又云上尊而字卑蓋已卑並讀若婢

頤 讀為懇

冬官上輶人 輶欲頤典

合於上聲二十二狼懇字下添入

攷證禮記檀弓上頎乎其至也音口很切侗按

冬官下梓人註頎小也釋文頎音傾一音懇

典

讀為

秦鑑云吳本作按周禮注引鄭司農云典讀為殄此承其文則作為音是

殄

冬官上輶人

秦鑑云吳本脫上輶人三字

輶欲頎典

合於上聲二十七銃殄字下添入

攷證註云頎典堅又貌侗按詩新臺籩條不殄

箋殄當作腆儀禮燕禮寡君有不腆之酒註古

文腆皆作殄殄與腆同字故典讀為殄

屬

讀為注

冬官上商人

犀甲七屬

九經補韻

十

合於去聲十遇注字下添入

攷證商人又云兕甲六屬合甲五屬冬官下匠

人水屬不理孫並讀如注儀禮士昏禮酌元酒

三屬於尊註屬注也音訓並同春秋定公十四

年左傳屬劍於頸師屬之目釋文又音之佳反

晉語則恐國人之屬耳目於我也註屬注目也

國語補音屬音著侗按成公十六年左傳有韎

韋之跗注

句周禮司服正義引賈逵註

注屬

也袴而屬於跗戰國策一舉而注地於楚註

注屬

句是注字並轉讀為屬攷古字屬與祝通

詩于旌素絲祝之箋祝當作屬屬著也天官下
瘍醫掌祝藥刮殺之齊註祝當爲註讀如注病
之注聲之誤也注謂附著藥禮記樂記封帝堯
之後於祝註祝或爲鑄呂氏春秋慎大覽秦鑑云按
呂覽武王勝殷入殷未下鑿封黃帝之後於鑄封帝堯之後於黎註鑄國名續漢書
郡國志註祝並作鑄淮南子倣真訓今夫冶工
之鑄器註鑄讀作祝周禮註訓注爲附著藥與
詩箋屬著也之訓合則屬注二字音同義亦同
也屬祝注鑄四字古皆通用故音並同

空

音孔

九經補韻

十一

冬官上商人 眠其鑽空

合於上聲一董孔字下添入

攷證商人又云眠其鑽空而窓亦讀爲孔何按
史記五帝本紀爲匿空旁出大宛傳張騫鑿空
韓非子喻世篇空竅者神明之戶隔也並借孔
字爲空

欄 音練

冬官上幌氏 以欄爲灰

合於去聲三十二霰練字下添入

筓 讀爲豪

冬官下矢人 以其筈厚

合於上聲三十二皓稟字下添入

攷證矢人又云凡相筈註筈讀為稟古文假借字倘按說文無筈字冬官上媠胡之筈註故書筈為筈筈當為筈讀為稟唐石經作媠胡之也

奠 讀為停

冬官下匠人為溝洫 凡行奠水

合於下平聲十五青停 秦鑑云姚本作停誤 字下添入

九經補韻

十一

攷證注云奠水猶渟水也禮記內則則皆坐奠之而后取之註奠停地也倘按渟與停同後漢書趙岐傳渟車呼與共載

昔 讀為錯

冬官下弓人為弓 程牛之角紆而昔

合於入聲十九鐸錯字下添入

攷證弓人又云欲朱色而昔昔也者並音錯

畏 音隈

冬官下弓人為弓 畏也者必撓 倘按此條應標上夫角之弓恒

當弓之畏

合於上平聲十五灰隈字下添入

攷證註云故書畏作威杜子春云當為威元謂讀如秦師入隈之隈侗按畏威二字古通用書皇陶謨天明畏釋文引古文尚書音句畏音威馬融本作威禮記表記引書德威惟威註威讀若畏隈與威音亦同也

校

讀為絞

冬官下弓人為弓

中有變焉故校

侗按此條應標上釋之則

不校句

合於上聲三十一巧絞

秦鑑云舊本作校姚本吳本亦同並誤

字下

九經補韻

三

添入

攷證冬官下廬人細則校羣經音辨引鄭康成

音校古飽切

禮記

敖 五報切

曲禮上 敖不可長

合在去聲三 何按舊本作五誤今據禮部韻畧校改

十七號傲字下

亦作敖

攷證投壺無恤無敖逸書九共使民無敖見尙書大傳並音傲詩桑扈彼交匪敖漢書五行志

引作匪徽匪傲爾雅釋言敖傲也二字音義並同

繕、吉政反

曲禮上 急繕其怒

合於去聲四十五勁韻內添入

攷證周禮夏官上敘官繕人註繕之言勁也

載 音戴

月令 載青旂

合於去聲十九代戴字下添入

攷證月令又云載青旂又載赤旂載黃旂載白

九經補韻

十四

旂載元旂共十二字又載以弓鞞曲禮上則載青旂則載鳴鳶則載飛鴻則載虎皮則載貔貅明堂位載弧鞞並音戴詩絲衣載弁佻佻箋載猶戴也侗按魏刁遵墓誌載仁抱義亦借戴爲載春秋隱公十年宋人蔡人衛人伐戴釋文作載音再引字林作戴云故國在陳留又詩大田俶載南畝箋俶讀爲熾周禮地官下載師孟子公孫丑上章句引作戴師載讀爲菑栗之菑春秋正義古者留戴聲相近故鄭元詩箋讀俶戴爲熾留漢書地理志梁國留縣故戴國留與戴

同音故載戴二字亦同

術 音遂

月令 審端經術

合於去聲六至遂字下添入

攷證註云術周禮作遂學記術有序註術當爲
遂聲之誤也侗按水經註引作遂有序春秋左
傳文公十二年秦伯使術來聘公羊傳漢書五
行志並作遂管子里十爲術術十爲州亦並音
遂

鮮 音獻

九經補韻

圭

月令 天子乃鮮羔開水

合於去聲二十五願獻字下添入

攷證註云鮮當爲獻聲之誤也詩七月箋引月
令呂氏春秋仲春紀並作乃獻羔酹冰侗按爾
雅釋山小山別大山鮮釋文或作嶰詩公劉陟
則在嶰傳小山別於大山也毛氏以嶰爲嶰是
鮮獻古字通用釋名小山別於大山曰獻蓋獻
之異文也

疆 其丈反

月令 可以美土疆

合於上聲三十六養韻內添入

禘 音藥

郊特牲 饗禘有樂

合於入聲十八藥藥字下添入

攷證郊特牲又云故春禘而秋嘗註此禘當為

禴字之誤也祭義春禘秋嘗註春禘者夏殷禮

也周以禘為殷祭更名春祭曰禘正義按王制

春日禘此云春禘為夏殷禮者以郊特牲註禘

當為禘則此春禘亦當為禘於郊特牲已註而

破之故此不言也祭義又云故禘有樂而嘗無

九經補韻

去

樂亦當作禴侗按二字傳寫之譌非禘有禴音

也釋文音藥非是此承其誤

鹽 音豔

郊特牲 而流示之禽而鹽諸利

合於去聲五十五豔豔字下添入

攷證九經古義按古樂府有昔昔鹽三婦鹽亦

作豔古字通侗按樂府又有神雀鹽黃帝鹽諸

名並讀為豔又按內則以灑諸上而鹽之與此

字訓異音同

溫 於運切

內則 柔色以温之

合於去聲二十三問韻內添入

攷證註云温藉也釋文本又作蘊又作溫詩小宛飲酒温克箋猶能温藉自持以勝正義定本及箋皆作温字引舒瑗毛詩義疏包裏曰蘊謂蘊藉自持含容之義經中作温者蓋古字通用侗按蘊亦作蘊春秋昭公二十五年左傳蓄而弗治將蘊蘊畜民將生心是温蘊蘊三字古音並同字亦通用

有 音又

九經補韻

七

內則 三王有乞言

合於去聲四十九宥又字下添入

攷證儀禮鄉射禮唯君有射于國中註古文有作又侗按古有又二字周易繫辭上又以尙賢也釋文引鄭康成本作有書堯典葦三百有六旬有六日義當作又秦誓如有一介臣古文尙書彙斲篇作如又式介臣詩終風不日有曠箋有又也長發有虔秉鉞箋有之言又也周石鼓文瀟瀟又魚秦詛楚文又秦嗣王並省有作又嘯堂集古錄載周伯映藝有作又宥作文古字

亦通作宥王制王三又註又當作宥

幽

幼 秦鑑云吳本作初誤糾切

玉藻 一命溫韞幽衡

合於上聲四十六黝韻內添入

攷證玉藻又云再命赤黻幽衡詩鬬桑其葉有

幽重讀爲黝何按春官上守祧則守祧黝聖之

註鄭司農云黝讀爲幽幽卽黝之省

禕

音鞠

玉藻 再命禕衣

合於入聲一屋鞠字下添入

九經補韻

攷證註云禕當爲鞠字之誤也何按釋文但云

依註音鞠非同音也

辨

讀爲貶

玉藻

立容辨卑母謂

秦鑑云吳本無卑母謂三字

合於上聲五十炎貶字下添入

顛

讀爲田

玉藻

盛氣顛實揚休

合於下平聲一先田字下添入

攷證玉藻又云色容顛顛讀若田何按書君爽

有若恭顛釋文顛又音田周禮地官下保氏註

喪紀之容纍纍顛顛釋文顛音田

賓 必刃反

玉藻 必與公土為賓也

合於去聲二十一震韻內添入

攷證書舜典賓於四門正義引鄭康成註賓讀

為儻周禮春官下巾車建大旂以賓集韻二十

二稊引沈重音賓必刃切秋官下司儀賓拜送

幣賓亦如之賓使者如初之儀註賓當為儻象

胥而賓相之而賓禮之並讀若儻侗按穆天子

傳祭公賓喪註儻贊禮儀又內史賓侯註儻相

九經補韻

九

蓋古字賓儻通用

皇

音往

少儀 齊齊皇皇

合於上聲三十六養往字下添入

攷證註云皇讀如歸往之往詩泮水烝烝皇皇

箋皇皇當作咺咺咺咺猶往往也侗按周禮地

官下保氏註祭祀之容穆穆皇皇釋文皇子况

反又音往又詩板及爾出王王字亦音往

匪

芳非反

秦鑑云吳本匪字在前皇字在後非是

少儀 匪匪翼翼

合於上平聲八微韻內添入

攷證周禮地官下保氏註車馬之容匪匪翼翼

釋文匪芳非反

美

音秦鑑云吳本作卽誤儀

少儀

儻 佻按舊本譌作變姝本吳本並同今據禮記校改和之美

合於上平聲五支韻內添入

佻按姝本作五支儀字下添入

攷證少儀又云言語之美朝廷之美祭祀之美

車馬之美並讀爲儀佻按說文羊部義已之威

義也古威儀字止作義與美字形相近故儀誤

爲美

九經補韻

三

區

古侯反

樂記

草木茂區萌達秦鑑云吳本脫萌達二字

合於下平聲十九侯韻內添入

趨

音促

樂記

衛音趨數煩志

合於入聲三燭促字下添入

攷證註云趨數讀爲促速聲之誤也史記樂書

作趨數集解引孫炎註趨數音促速而數變也

祭義其行也趨趨以數註趨讀如促佻按周禮

地官下縣正趣其稼事釋文本又作趨音促漢

書高帝本紀合趨銷印註趨讀曰促

數 音速

同前 秦鑑云前周禮斬人頤典二字後音義弗順喪制所出類周禮方相氏方良二字禮記檀弓斯沾二字並於第二條重出一句此條獨云同前與前後體例不合且此書之作欲備添入各韻自應隨條分註疑傳寫者憑臆竄改爾

合於入聲一屋速字下添入

攷證會子問不知其已之遲數註數讀為速祭義其行也趨趨以數註數之言速也何按一二字古並通用周禮冬官上無以為厥速也註速書或作數冬官下弓人則莫能以速中註故書速

九經補韻

三

或作數又史記賈生傳淹數之度今漢書賈誼傳作淹速之度

喬 音驕

樂記 齊音敖辟喬志

合於下平聲四宵驕字下添入

攷證釋文引徐邈音 句 喬音驕本亦作驕表記

喬而野亦讀為驕何按驕作喬古字省

橫 古曠反

樂記 號以立橫

合於去聲四十二宕韻內添入

攷證樂記又云橫以立武音同侗按明堂位註
中足而橫距之象詩闕宮箋其制足間有橫並
音桃

建 其展反

樂記 名之曰建橐

合於上聲二十八獮韻內添入

攷證註云建讀爲鍵字之誤也

報 保毛反

樂記 禮有報而樂有反秦鑑云吳本無此四字

合於下平聲六豪韻內添入

九經補韻

三

攷證樂記又云禮得其報則樂禮之報並讀若

褒

肉 如又反

樂記 廉肉節奏

合於去聲四十九宥韻內添入

攷證樂記又云寬裕肉好音同侗按爾雅釋器

肉倍好好倍肉肉好若一釋文並如授反

羶 音馨

祭義 燂侗按姚本作廷誤羶羶

合於下平聲十五青馨字下添入

攷證註云羶當爲馨字之誤也郊特牲然後炳
蕭合羶羶亦讀爲馨五經文字羶音馨香之遠
聞見詩

進 音餒

祭統 百官進徹之

合於去聲二十二稇餒字下添入

攷證註云進當爲餒字之誤也

幾 音祈

哀公問 車不雕幾

合於上平聲八微祈字下添入

九經補韻

三

攷證郊特牲丹漆雕幾之美少儀則車不雕幾
並讀若祈侗按周禮春官上小宗伯及其祈珥
註故書祈爲幾杜子春讀幾當爲祈孟子告子
上章指功毀幾成音義引丁公著手音幾音祈
愁 子留反

鄉飲酒 秋之爲言愁也

合於下平聲十八尤韻內添入

攷證鄉飲酒又云愁之以時察守義者也亦音

擘

擘 音浮

合於入聲二十陌陌字下添入

攷證註云百猶勵也侗按周禮春官下甸祝掌四時之田表貉之祝註杜子春讀貉為百爾所司之百貉與陌音同也

介 古賀反

襄公八年

亦不使一介行李

秦鑑云吳本無行李二字

合於去聲三十八箇韻內添入

攷證釋文作一个昭二十八年君亦不使一介釋文亦作个侗按書秦誓如有一介臣釋文引馬融本作介字又作个禮記大學引作一个石

九經補韻

五

經禮記作一介

釋文古賀反一讀作介又雜記上釋文

介音界舊古賀反後漢書酷吏傳註引書亦作一个蓋介个字形相近故經典二字互用介之音个猶家讀為孤賈讀為估假讀為嘏又聲之

轉也

蔭

於金反

昭公元年

趙孟視蔭

合於下平聲二十一侵韻內添入

攷證釋文本亦作陰侗按蔭陰古今字詩桑柔旣之陰女箋覆陰也蔭省為陰禮記祭儀陰為

野土註陰讀爲依廕之廕又文公十七年鹿死不擇音是麻蔭之蔭亦通作音

爽

音霜

定公三年 有兩肅爽焉

合於下平聲十陽霜字下添入

攷證正義及文選蜀都賦註七命註並引馬融

註秦鑑云兩漢刊誤補遺引作賈逵註

肅爽厲也其羽如練高首

而修鷩馬似之侗按此馬狀似鷩鷩鳥故名宋

本文選吳都賦註引三傳異同說鷩鷩鳥也馬

似之字並從馬說文鳥部有鷩鷩馬部無鷩鷩

九經補韻

三

則驢乃俗字古只作爽音與鷩同

公羊傳

汜

音流

成公五年 壅河三日不汜

合在下平聲十八尤流字下亦作汜

攷證釋文云音流侗按荀子王制篇其汜長矣

亦卽流之別體說文林部有湫流二字無汜字

玉篇水部汜古文流字釋文音之誤

曼

音蠻

昭公十一年

侗按舊本十年一譌作四

年

晉人執戎曼子赤藍

合於上平聲二十七刪蠻字下添入

孟子

龍 音龔

公孫丑

秦鑑云吳本脫此字

下有私龍斷焉

合於上聲二腫隴字下添入

攷證音義及敬齋古今艸並引陸善經註龍斷

謂尚壘斷而高者侗按列子湯問篇自此冀之

南漢之北無隴斷焉是字本作壘或作隴

艾

音刈

萬章上

自怨自艾

秦鑑云舊本作刈誤於桐

九經補韻

毛

合於去聲二十廢刈字下添入

攷證盡心上有私淑艾者詩小旻或肅或艾臣

工奄觀銜艾禮記月令令民無艾藍以染祭統

草艾則墨春秋左傳昭公元年國未艾也哀公

元年亦不艾殺其民二年斬艾百姓十六年是

得艾也並音刈侗按古字又通作艾書堯典烝

烝又漢楊孟文石門頌作烝烝艾堯典萬邦作

艾詩思文正義引鄭康成註艾養也是鄭本作

艾咸又叙作咸又史記殷本紀作咸艾集解引

馬融註艾治也是馬本亦作艾

九經補韻終

侗按吳本無此行姚本有以上九經補韻終其八字連屬下行

音義弗順喪制所出不可入韻者附於後

毛詩

猗 於可反

隰有萋楚 猗儺其枝

攷證隰有萋楚又云猗儺其實音同侗按猗字

古有阿音淇與蒙竹猗猗叶下磋磨節南山有

實其猗叶下何遶多那猗與那與二字相叶漢

外黃令高彪碑以猗衡為阿衡猗與倚通書太

甲不惠於阿衡傳阿倚衡平正義古人所讀阿

九經補韻

彙

倚同音故阿亦倚也諸家經說皆然楊氏以為

音義弗順非也以後諸經同音之字並同

作

側慮 秦鑑云姚本作隱誤反

蕩 侯作侯祝

攷證釋文本或作

疑

魚涉反

桑柔 靡所止疑

攷證正義云疑音疑此從釋文儀禮鄉飲酒禮

賓西階上疑立註疑讀為疑然從於趙盾之疑

適

直革反

殷武

秦鑑云姚本作式誤

勿子禍適

攷證北門室人交徧適我釋文作適直革反

周禮

副 音刮

天宮下瘍醫

佻按舊本止標天宮下三字姚本吳本並同攷是書周禮內前後並載官

各此條脫無之下壇字亦止有夏官上三字疑傳寫者脫去今並據周禮校增

剗殺之

齊

壇 讀爲墀

夏官上大司馬

秦鑑云姚本吳本亦脫大司馬三字

暴內陵外則

壇之

九經補韻

无

攷證詩東門之墀釋文作壇云音墀依字當作

墀禮記曲禮下踰竟爲壇位壇音善佻按春秋

襄二十八年左傳舍不爲壇正義引服虔解讀

除地爲墀是服本作墀

綱 讀爲亢

夏官上馬質

綱惡馬

佻按舊本誤作亢今據周禮校改

攷證註鄭司農云綱讀爲以亢其讐之亢書亦

或爲亢

披 方寄反

夏官下司士

作六軍之士執披

方 音圀

夏官下方相氏 歐方良

良 音兩

夏官下方相氏 歐方良 秦鑑云吳本此條標同前二字非是說見補韻

爰 音未切

秋官上赤爰氏

攷證註云赤爰猶言抹拔也釋文引徐邈音爰

音未反

冥 音覓

秋官下冥氏

九經補韻

辛

焉 音夷

秋官下行夫 焉使則介之 何按舊本脫此句今據吳本校增

攷證註作夷使釋文引劉昌宗音焉音夷何按

書秦誓斷斷猗無他技春秋公羊傳文公十二

年引作惟一介斷斷焉無他技夷與猗同音故

焉夷亦同

春 出允反

冬官下梓人爲侯則則春以功

攷證註云春讀爲蠢何按禮記鄉飲酒春之爲

言蠢也

羽 音戶

冬官下弓人為弓 弓而羽綯

攷證冬官下矢人五分其長而羽其一亦讀為

扈

禮記

拘 古侯反

曲禮上 以袂拘而退

攷證曲禮上又云則自下拘之亦音鉤侗按古
字拘鉤通用周禮春官下巾車金路鉤樊纓九
就註故書鉤為拘杜子春讀為鉤春秋左傳哀

九經補韻

至

公二十五年請適城鉏以鉤越本或作拘又莊

子徐無鬼上且鉤乎君釋文亦作拘

橋 居廟反

曲禮上 秦鑑云吳本脫上字
下辨勿二字並同

奉席如橋衡 侗按
舊本

誤作奉席以橋如
今據禮記校正

辯 音通 秦鑑云吳
本作徧

曲禮上 然後辯殺

攷證樂記其治辯者其禮具註辯徧也儀禮鄉
射禮司射乃比眾耦辯註眾賓射者降比之耦
乃徧侗按辯與徧通書舜典徧於羣神史記五

帝本紀漢樊毅修華嶽廟碑並作辯於羣神儀禮鄉飲酒禮衆賓辯有脯醢註今文辯皆作徧又周禮天官上辨方正位集韻二十八獮引劉昌宗音辨那免切辨與辯同也

勿

音沒

曲禮上 國中以策彗郵勿驅

攷證詩各風黽勉同心文選求加贈劉前軍註引韓詩作密勿同心傳密勿侷侷也十月之交黽勉從事漢書劉向傳引作密勿從事侷按爾雅釋詁羸沒勉也是勿與沒古字亦同

九經補韻

三

綏

湯果切

曲禮下 大夫則綏之

攷證曲禮下又云國君綏視註綏讀曰妥侗按詩鴛鴦福祿綏之釋文綏土果反又如字儀禮士相禮妥而後傳言註古文妥爲綏漢書武王子傳北洲以妥註妥古綏字集古錄楊南仲釋周鼎銘曰妥字說文無之蓋古綏字省糸爾是妥與綏古字同

壇

音善

曲禮下 爲壇善

攷證周禮已有壇字讀爲壇侗按壇本音善此字重出

假音還

曲禮下

曰

秦鑑云吳本無此字

天王登假

秦鑑云舊本作遐誤

攷證列子黃帝篇帝登假註假當作遐侗按說文彖部無遐字古字通作假音還

免音問

檀弓上

檀弓免焉

攷證檀弓下袒免痛哭曾子問則子免而從柩文王世子宜免不免玉藻當事免則說之喪服

九經補韻

三

小記免而以布大傳五世祖免禭記下無免於壇喪大記卽位而免奔喪免麻於序東春秋左傳桓公五年免而代之僖公十五年使以冕服衰經逆哀公十四年袒免哭於衢並音問侗按字或作纒亦音問左傳哀公二年使太子纒

居音姬

檀弓上

秦鑑云吳本脫上字下蓋革從三字並同

何居

攷證註云居讀爲姬姓之姬齊魯之間語助也易繫辭下則居可知矣釋文引鄭康成王肅註並云居音基辭也春秋左傳成二年誰居亦音

姬侗按列子黃帝篇姬魚語女註姬音居魚當
作吾又書微子若之何其史記宋微子世家集
解引鄭康成註其語助也齊魯之間聲如姬禮
記曰何居解與此註合則居姬其古音並同以
後各字有互見諸經音並相同而楊氏僅據一
經以爲喪制所出者皆非是

蓋 戶臘切

檀弓上 子蓋言子之志於公乎

攷證檀弓上又云然則蓋行乎註蓋皆當爲盍
唐石經始並作盍後乃加艸於上詩黍苗盍云

九經補韻

盍

歸處孟子梁惠王下則蓋反其本矣並應作盍
侗按此字皆傳寫之誤孟子滕文公下蓋祿萬
鍾音義引張鑑音丁公著手音並云蓋音盍豈
蓋字本有盍音耶

革 紀力反

檀弓上 夫子之病革矣

攷證檀弓上又云子之病革矣檀弓下君疾革
並音紀力反侗按詩文王有聲匪棘其猶禮記
引作匪革其猶論語顏淵棘子成漢書古今人
表三國志秦宓傳並作革子成列子湯問篇夏

革莊子作夏棘又漢書功臣表煖囊侯革朱史
記索隱革音棘蓋古音革與棘同故字亦通用

從 音摠

檀弓上 爾毋從從爾

歆

子甲反

爾按以下至緝字二十六條吳本並錯簡在穀梁傳二條之後重出禮記二字

標目 非是

檀弓上

死而不弔者

爾按姚本 作有誤

三秦鑑云吳畏本無此句

歆溺

攷證檀弓上又云皆歆冠曲禮下歆冠深衣下

毋歆髀上毋歆膂春秋左傳文公二年以歆之

九經補韻

三

也昭公二十六年將以歆衆並音於甲反

衡 華彭反

檀弓上

秦鑑云吳本脫上字下稅披縱柳四字並同

今也衡縱

攷證檀弓上鹿裘衡長袂註衡當為橫字之誤

也檀弓下又云棺束縮二衡三袵亦音橫爾按

詩南山衡縱其畝釋文衡音橫衡門衡門之下

釋文沈重云此古文橫字周禮冬官下玉人衡

四寸註衡古文橫假借字也孟子梁惠王下一

人衡行於天下音義引丁公著手音衡音橫告

子下衡於慮亦音橫衡與橫古今字故音亦同

又史記蘇秦傳衡人皆欲割諸侯地與秦集解
衡音橫索隱衡人即縱橫之士漢書刑法志合
縱連橫註秦地形東西橫長故為衡也

稅 他外同按姚本作喚如反雜記稅字同非是

檀弓上 小功不稅

攷證喪服小記而父稅喪服問以有本為稅並

音吐外反

披 彼義反

檀弓上 設披

攷證喪大記纁披六披用 **並音彼義反**

九經補韻

美

縱 音總

檀弓上 喪事欲其縱縱爾

禭 蒲歷反

檀弓上 君即位而為禭

舍 音釋

檀弓下 有司以几筵 秦鑑云吳本無此句 舍奠於墓左

攷證周禮春官下大胥春入學舍采合舞讀為

釋已見補韻此字喪制所出

斯 音賜

檀弓下 秦鑑云吳本脫下字下沾 我喪也斯沾

攷證詩皇矣王赫斯怒釋文斯鄭康成音賜儀
禮鄉飲酒禮斯禁釋文引劉昌宗音斯音賜

沾 音規

檀弓下 我喪也斯沾 秦鑑云吳本此條標同前二字非是說見補韻

萋 音柳

檀弓下 設萋萋

攷證註云周禮萋作柳天官下縫人衣娶柳之
材註故書娶柳作接櫛鄭司農云櫛讀爲柳侗

按萋與柳同檀弓上註葬引飾棺以柳娶萋亦

作柳

九經補韻

七

封 彼驗反

檀弓下 歛般請以機封

攷證檀弓下又云般既封而弔於其封也王制

庶人縣封會子問既封而歸襍記下既封而退

喪大記凡封用綽去碑負引君封以衡並讀爲

窆侗按說文土部崩喪葬下土也春秋傳曰朝

而崩禮記謂之封周官謂之窆又檀弓上縣棺

而封註封當爲窆春秋傳作崩周禮地官下遂

人註窆禮記謂之封春秋謂之崩皆葬下土也

聲相似

追 音退

檀弓下

文字

秦鑑云吳本無此二字

其中追

同按舊本譌作退今據禮

記校然

耐 音能

禮運

故聖人耐

同按舊本譌作能今據禮記校改

以天下為一

家

秦鑑云吳本無為一家三字

攷證樂記故人不耐無樂樂不耐無形形而不為道不能無亂註耐古書能字也後世變之此獨存焉古以能為三台字春秋穀梁傳成公七年非人之所能也釋文亦作耐同按急就篇完

九經補韻

美

堅耐事踰比倫漢書高帝本紀耐以上請之並以耐為能又周禮春官上太宗伯正義古者以耐字為今之能字能字為三台之字後世以來廢古耐字以三台之能替耐字之變而為能也又更作三台之字

碁

音忌

禮器

秦鑑云吳本脫此字

夏父弗碁逆祀而弗止也

將

音牂

內則 炮取豚若將

攷證註云將當為牂同按說文手部將扶也即

將扶之字與將字形聲並相近因誤作將後改
為將

接 讀為捷

內則

接以何按吳本作於誤 太牢

攷證內則又云凡接子擇日讀亦同易晉晝日

三接釋文引鄭康成音捷云勝也何按荀子大
略篇先事慮事謂之接註接讀為捷速也

踐 音翦

玉藻 弗身踐也

攷證書成王政叙遂踐奄詩正義引鄭康

九經補韻

美

成註踐讀曰翦翦成也

言 魚斤反

玉藻

三秦鑑云姚本作二誤爵而言言斯何按姚本

辟 婢支反

玉藻 大夫素帶辟垂

攷證玉藻又云而素帶終辟士練帶率下辟又

士緇辟二寸再纒四寸朱裏終辟並讀若裨

屈 音闕

玉藻 君命屈狄

攷證註云屈周禮作闕

報 讀爲赴

喪服小記

報葬

倂按舊本諺作喪今據禮記校改

者報虞

攷證喪服小記又云既葬而不報虞少儀毋報

徃並音赴

省 仙善反

大傳 省於其君

攷證釋文省舊仙善反善也按爾雅云省卽訓

善息靖反無煩改字倂按玉藻唯君有黼裘以

警省註省當爲獮釋文省依註作獮息典反

息 秦鑑云姚本吳本並作罔下同

音慮

九經補韻

早

少儀

君子不食恩

倂按釋文及今本並作罔姚本吳本亦同舊本二字下並

从心或所見本異也今仍之

腴

攷證釋文罔與參同音慮

提 丁禮反

少儀 離而不提心

敦 音純

樂記

樂者

倂按舊本作而誤姚本亦同今據禮記校改

敦和

攷證周禮天官下內宰出其度量淳制註故書

淳爲敦杜子春讀敦爲純

反 音及

樂記 武王克殷反秦鑑云姚本作反誤

攷證註云反商當為及字之誤也侗按反與及

字形相近故古書每易譌亂史記倉公傳藏氣

相反者死集解徐廣曰反一作及又切之得賢

反肺集解徐廣曰反一作及

適 讀為秦鑑云吳本二字作音按禮記註適讀為匹敵之敵此承其文應以讀為為正敵

襍記上 大夫計侗按姚本作計誤於同國適者

攷證燕儀莫敢適之義也亦讀為敵侗按春秋

公羊傳莊公二十四年君請勿自敵也春秋繁

露作君無自適論語里仁無適也釋文鄭康成

九經補韻 聖

本作敵是二字古通用又史記范雎傳政適伐

國見補韻周禮政字攷證田單傳適人開戶集

解徐廣曰適音敵荀子君子篇告無適也註適

讀為敵

稅 他侗按吳本作仙誤喚反

襍記上秦鑑云吳本脫此字蘭衣裳與稅衣纁補為一

攷證襍記上又云夫人稅衣揄狄喪大記士妻

以稅並音他喚反

純 側其反

襍記下 皆爵弁純衣

攷證玉藻大夫佩水蒼玉而純組綬祭統以其
純服周禮地官下媒氏純帛無過五兩並讀爲

緇論語子罕今也純儉詩都人士正義引鄭康
成註純讀爲緇侗按祭統正義鄭氏之意凡言

純者其義有二一絲旁才是古之緇字秦鑑云

純實緇字也古緇以才爲聲按詩行露傳昏禮
紉帛無過五兩是其字矣侗按羊箋士妻紉衣
經神釋文本或作純又作緇二絲旁屯是純字但書文相亂

雖是緇字並皆作純鄭氏所註於絲理可知於
色不明者卽讀爲緇卽論語云今也純儉及此

純服皆讀爲黑色若衣色見絲文不明者讀純

九經補韻

聖

以爲絲也又史記五帝本紀黃收純衣索隱純

讀曰緇

差

七何反

喪大記 御者差沐於堂上

秦鑑云吳本無下三字

攷證詩東門之枌穀且於差釋文引徐邈音差

七何反

偽

音帷

喪大記

加爲荒

盍

音渴

坊記

相彼盍且

核 昌氏

侗按吳本作聖後重出一反
條移字亦音稱不知何據

表記 衣服以移之

純 音全

投壺 二筭為純

攷證投壺又云一純以取一筭為奇某賢於某
若干純釋文純音全鄭註儀禮如字侗按儀禮

鄉射禮二筭為純註純全也

僂 音六

大學 辟則為天下僂矣

攷證荀子非相篇為天下大僂與此音同

九經補韻

聖

緡 音綿

大學 緡蠻黃鳥 侗按此條應
在僂字之前

卒 音倅

燕義 庶子之卒 秦鑑云吳本此下空一字有謂
為父之副貳六字 侗按此句

應標作諸侯卿大夫士之庶
子之卒上七字不得截去

攷證周禮夏官下諸子掌國子之倅註故書倅

為卒鄭司農云卒讀如物有副倅之倅是卒倅

二字古通用

春秋

左氏傳

免

音秦鑑云吳本脫此字問

桓公

秦鑑云吳本脫公字以下二十二條並同

免而代之

攷證卽檀弓免焉之字已見禮記

瀆

音豆

桓公十二年

盟於句瀆之邱

何按吳本脫之邱二字

攷證襄公十九年執公子牙於句瀆之邱

秦鑑云按

史記齊世家作句瀆

二十八年賈在句瀆之邱哀公六年

囚王豹於句瀆之邱並卽此地音亦同何按莊

公九年遂殺子糾於生竇史記齊世家作笙瀆

索隱引賈逵左傳註魯地句竇生竇史記作笙

九經補韻

四

瀆同又襄公三十年伯有晨自墓門之瀆入釋

文引徐邈音瀆音豆周禮春官上大宗伯小宗

伯春官下大司樂四瀆註並作四瀆二字古音

並同故字亦通用

稅

土何按姚本活反

莊公九年

秦鑑云吳本脫年字以下二十條並同

及堂阜而稅之

攷證成公九年使稅之禮記服間唯公門有稅

齊衰並音脫何按擅弓下蟻固不說齊衰而入

見土唯公門說齊衰釋文並云他活反本亦作

稅是脫字古借作稅或作說

輅 五嫁反

僖公十五年 輅秦伯

夫

攷證定公二年狂狡輅鄭人成公十六年謀輅

之並音五嫁反

穀 奴口反

僖公二十年 楚鬬穀於莒帥

何按舊本脫此字 姚本亦同今據左

傳校師 秦鑑云吳本止標鬬穀於 增 菟四字無楚帥師三字

攷證宣公四年楚人謂乳穀亦音奴口反餘鬬

穀於莒見於傳者並同

歛 音廉

九經補韻

罍

僖公二十八年 盟於歛孟

攷證宣公十七年及歛孟卽此地音同

棺 古患反

僖公二十八年 棺而出之

氐 音雉

僖公三十三年

何按舊本譌作二姚本吳 本並同今據左傳校改

年與晉師

夾氐而軍

呼

好 秦鑑云舊 本本作呼誤 賀反 何按此條姚本 作音賀非是

文公元年 呼役夫

秦鑑云吳 本作九誤

鄴 音西

文公十六年 盟於鄆邱 侗按舊本譌作西吳本亦同今據左傳校改

被 普皮反

襄公十四年 乃祖吾離被苫蓋

含 戶暗切

襄公十九年 而視不可含 秦鑑云姚本作舍誤

攷證文公四年王使榮叔歸含且贈哀公十一年陳子行命其徒具含玉周禮天官上大宰之職贊贈玉含玉天官下玉府其含玉春官上典瑞共飯玉含玉禮記檀弓下寡君使容居坐含進侯玉文王世子至於賜賻承含襍記上寡君

九經補韻 吳

使某含喪大記含一牀並音戶暗切侗按含卽古哈字釋文本亦作哈

封 求付切

襄公二 侗按舊本譌作三姚本亦同今據左傳校改 十五年 封具

攷證封具齊勇力之臣見註侗按並應讀如字檢諸韻書封字從無音具者釋文于封具二字下註求付反三字所音乃具字也今註疏本釋文明云具求付反楊氏見單行本二字連綴遂誤以求付爲封字之音殊未深攷宜反指爲音義弗順矣此條應刪

義弗順矣此條應刪

稅 讀爲總

襄公二十七年 公之喪如稅服終身

羹 音郎

昭公十一

侗按舊本謬作三姚本吳本並同今據左傳校改

年 不羹

攷證十二年今我大城陳蔡不羹十三年率陳

蔡不羹許葉之師並卽此地音亦同正義古者

羹臠之字音亦爲郎故魯頌闕宮楚詞招魂與

史游急就篇羹與房漿糠爲韻但近世以來獨

以此地音爲郎耳侗按詩蕩如沸如羹與上商

蟪下喪行方叶禮記禮運籩豆錡羹與上羊下

九經補韻

聖

祥叶並讀如郎則正義說是也

苑 於元切

昭公二十年

苑何忌辭曰

侗按吳本無辭曰二字

攷證二十二年苑羊牧之諫音與此同並姓也

侗按二苑字羣經辨並作苑劉向九嘆損林薄

而苑苑叶上淵字苑與苑通也

秦鑑云按漢書百官表牧師苑

令卽苑

黨 音掌

哀公十一年

俟於黨

侗按舊本謬作掌今據左傳校改

氏之溝

攷證莊公二十二年公築臺臨黨氏定公七年

館於公族黨氏並音掌

公羊傳

昧

佻 佻按吳本作忌 結反

隱公

秦鑑云吳本脫此字以下七條並同 元年 秦鑑云吳本脫此字以下七條並同

公及邾婁儀夫盟於昧

攷證左傳作盟於蔑故此字音同

來

力兮

佻按吳本作兮誤 反

莊公五年

倪黎來來朝

佻按吳本無來朝二字

攷證隱公五年登來之也禮記大學註引作登

辰之詩思文貽我來牟漢書劉向傳引作飴我

九經補韻

吳

釐楚來辰釐三字古音並同

悌

音希

成公十六年

在招

秦鑑云吳本作招誤 邱悌矣

打 勅丁反

成公十八年 盟於虛打

攷證此字與左傳同

鶴

音權

佻按姚本作懼

昭公二十五年 有鶴鶴來巢

攷證左傳鶴鶴作鸛鸛佻按釋文引稽康春秋

左氏傳音鸛音權是鸛與鸛字異音同

穀梁傳

僎 都田反

僎 公二十八年 爲己值矣

淫 在禾反

襄公二十六

同按舊本譌作入姚本吳本並同今據穀梁傳校改年

宋公

殺其世子痤

攷證此字與左傳同

附吳氏刊本增多字

嘉慶屠維協治之歲孟陬月朔得鈔本九經

補韻敘中國家元祐等字率提行直書知爲

九經補韻

吳九

影宋鈔本因檢諸經原文反覆詳定見聞偶

及足與本書相發明者誤爲攷證分綴各條

之下復取百川學海中姚氏應仁校本古今

逸史中吳氏瑄刊本借昭若秦君勸其同異

校正譌漏凡數十處吳本尙書禮記兩經內

有增多五十字皆宋本姚本所無不敢據以

羸入爰依其次附著如左攷五十字中紕繆

百出如玉藻之端

元端而朝

音冕又如字一字而

分爲兩音祭義之闕

見問依無

二字合併與韻

無涉楊氏並無此例共爲後人妄加無可疑

者外是諸條又有一字重出非異音者曲禮

有卷三公一命衮音衮而又引玉藻龍卷以祭文王世

子有子學之以孝弟睦友子愛音慈而又引樂記易直子諒

禮運有越與其越席音活而又引郊特牲蒲越稿韞樂

記有綴禮所以綴潘音拙而更舉後文久立於綴是也

有本書在音義弗順喪制所出類而重入於

補韻中者禮運耐字故聖人耐以天下為一家音能表記

殺字衣服以殺之即稱是也有本書已收此音而

重摘他文非有異義者郊特牲之幾丹漆雕幾音

祈而本書已引哀公問車不雕幾樂記之辯其治辯

九經補韻

五

音徧而本書已引曲禮然後辯聲弗順喪制所出類在音義

樂記之內寬裕肉好音耨而本書已引上文節奏廉肉

樂記之說說劍即脫而本書已引左傳莊公九年及堂

阜而稅之在音義弗順喪制所出類按左傳釋文稅本又作說是說與稅同字詳攷證

祭義之禘秋嘗音禴而本書已引郊特牲饗禘

有祭統之純以其純服音緇而本書已引雜記爵皆

弁純衣○在音義弗順喪制所出類祭統之舍舍奠於其廟音釋而

本書已引周禮大胥春入學舍采合舞及檀弓有司以几筵舍

奠於墓左在音義祭統之艾草艾則墨音刈而

弗順喪制所出類萬章自怨鄉飲酒之愁愁以時

本書已引孟子自艾於桐

察音擊而本書已引上文

秋之為言愁也按鄉飲酒二句文

本連屬非有異音乃以音擊之愁與子留反

之愁為兩字不知擊字之即反子留也其味於音切是也凡此皆窺亂前人之書以矛攻

盾實足貽誤後學不能一一糾正何故會而

辨之然則其餘各字豈盡有據而增邪抑原

在本書舊本脫去邪曰楊書本為禮部韻略

拾遺故命曰補韻若今增多之字則韻略有

已採者本不待補且即以首三條君奭周田

觀三字在昔上帝周田觀文王之德按尚

書本作在昔上帝割申勸享王之德

論之楊氏之謬萬不到此此讀是書者其見

其妄又奚待伺之辨而知也或曰此五十字

即皆吳瑄所加云錢侗并識

九經補韻

至

尚書

周 音割

君奭 在昔上帝周田觀文王之德

田 音甲

君奭 在昔上帝周田觀文王之德

觀 音勸

君奭 在昔上帝周田觀文王之德

秦鑑云以上三條在禹貢夾字後

禮記

綏 音蕤

曲禮 武車綏旌

匹 音木

曲禮 庶人之摯匹

卷 音衮

曲禮 三公一命卷

以上三條在曲禮繕字後

貸 音忒

月令 宿離不貸

九經補韻

學 音效

文王世子 學之以孝弟

子 音慈

文王世子 學之以孝弟 睦友子愛

越 音活

禮運 與其越席

假 音暇

禮運 是謂大假

耐 音能

禮運 故聖人能以天下為一家

養 音義

禮運 其居人也曰養

椒 同藪

禮運 皆在郊椒

以上八條在月令疆字後

越 音活

郊特牲 蒲越稿牒

幾 音祈

郊特牲 丹漆雕幾

以上二條在郊特牲鹽字後

九經補韻

垂

卷 音袞

玉藻 龍卷以祭

端 音冕

玉藻 元端而朝

端 如字

玉藻 元端而朝

休 音詡

玉藻 顛實揚休

繆 音穆

大傳 序以昭穆

以上五條在玉藻賓字後

設 卽小

學記 足以設聞

術 作州

學記 術有序

蛾 卽蟻

學記 蛾子特術之

篋 音劫

學記 入學鼓篋

夏 音假

九經補韻

番

學記 夏楚二物

以上五條在少儀美字後

怙 音占

樂記 無怙滯之音矣

滯 音滯

同上

辯 音徧

樂記 其治辯

孰 卽熟

樂記 孰亨而祀

享 卽亨

同上

煖 卽暄

樂記 煖之以日月

綴 音拙

樂記 禮所以綴淫

志 卽急

樂記 志微噍殺之音

肉 音禱

樂記 寬裕肉好

九經補韻

五

綴 音拙

樂記 久立於綴

說 卽脫

樂記 說劍

子 卽慈

樂記 易直子諒

諒 卽良

同上

以上十三條在樂記肉字後

禘 卽音禴

祭義 春禘秋嘗

見間 二字合爲覲

祭義 見間以俛覲

以上二條在祭義羶字後

純 音緇

祭統 以其純服

舍 音釋

祭統 舍奠於其廟

艾 卽刈

祭統 草艾則墨

九經補韻

美

以上二條在祭統進字後

直 作朝

哀公問 出以治直言之禮

言 作廷

同上

移 卽稱

表記 衣服以移之

窳 卽竇

儒行 韞門圭窳

以上四條在哀公問幾字後

孝 卽教

儒行 君子之所謂孝者

愁 音摯

鄉飲酒 愁之以時察

以上二條在鄉飲酒愁字後

嘉定秦 鑑參校

九經補韻

毛

附錄

經義攷

楊氏伯岳九經補韻一卷存伯岳自敘云俞任

禮後敘云

四庫全書提要

九經補韻一卷兩江總督採進本宋楊伯岳撰伯岳字彥

思號泳齋自稱代郡人然南宋時代郡已屬金蓋

署郡望也淳祐間以工部郎守衢州周密雲烟過

眼錄載伯岳家所見古器列高克恭胡泳之後似

入元尚在矣宋禮部韻略自景祐中丁度修定頒

九經補韻附錄

汗筠齋叢書第一集

行與九經同列學官莫敢出入其有增加之字必

奏請詳定而後入然所載續降六十三字補遺六

十一字猶各於字下註明其音義弗順喪制所出

者仍不得奏請入韻故較以廣韻集韻所遺之字

頗多伯岳是書蓋因官韻漏略擬摭九經之字以

補之周易尚書各一字毛詩六字周禮禮記各三

十一字左傳五字公羊傳孟子各二字凡七十九

字各註合添入某韻內或某字下又附載音義弗

順喪制所出者八十八字蓋當時於喪制一條拘

忌過甚如檀弓何居之居本為語詞亦以為涉於

凶事不敢入韻故附載之然自敘稱非敢上於官
以求增補則并所列應補之字亦未行用也其書
攷據經義精確者頗多惟其中如周禮司尊彝修
爵之修音滌禮記聘義孚尹之孚音浮之類乃古
字假借不可施於今韻又如詩泮水之黷字周禮
占人之箬字公羊傳成五年之汙字乃重文別體
與韻無關一概擬補未免稍失限斷耳

四庫全書簡明日錄

宋楊伯岳撰因禮部韻略於九經中所有之字多
所漏失乃摭摭以補之凡七十九字各注應添入
某韻或某字下又附載輿制所出八十一字蓋未
制拘忌過甚凡喪禮中字官韻皆不收故也

九經補韻附錄

二一

嘉定錢侗同人錄

九經補韻攷證跋

宋仁宗朝詔丁度等修禮部韻畧仿諸韻書以經典借音之字載入各部而採摭類多未盡當時諸名公已不滿其書以不能補輯引爲學士大夫之咎然自元祐時孫諤創議而後作者紛起殆有數家稽之前人著錄則所爲裨纂皆未能衷於一是於是汙齋楊氏有補韻之編所補字七十又九別音義弗順喪制所出之字八十又八應添之韻爲部六十又一舊刊百川學海中題明姚應仁閱則應仁所校也至明新安吳瑄校葉之今姚氏本流傳日尠吳氏本又或舛

九經補韻攷證跋

一

譌錯亂不可究詰予每以未覩善本爲憾錢君同人得影宋鈔本悉心點勘凡兩閱月其所是正皆有據依原書所引之字別見諸經暨六書假借古音異同者隨條攷證互相發明楊書韻無目次補綴於前吳本字半妄增辨詳厥後要歸至善羅抉靡遺君於是書可謂盡心爾矣昔松厓惠徵君續述舊業換九經古義十六卷其中大半以諸書古字申證舊音海內執經之士珍爲枕秘君亦以經學承家弟昂師友年甫弱冠著述日勤卽觀攷證之作以方惠氏何多讓哉雖然君尙有十三經異音韻編一書凡漢魏晉唐

音讀之異秩然具載屬稿蓋久矣他日書成吾知其
摛討之當商榷之精當必更過於此則覘君之學者
其以此爲霧豹之一班可也是役予實爲佐校讐間
亦以知聞所得疏記一二君多韙其說頃取而授梓
鳩工垂竣爰書數語於後并以質之嘉慶四年四月
阿里昭若秦鑑

九經補韻攷證跋

二

許筠齋叢
書第一集

09129

